



Aalisarnermut Piniarnermullu Naalakkersuisoqarfik

9. marts 2022

Mitit manniinillu kaatersisarnerit pillugit siunnersuineq

Inatsisartuni Naleqqap siunnersuuteqarnera (Immikk. 53 - UPA2022/53 aamma immikk. 54 - UPA2022/54) mitit sivisunerusumik piniagaasalernissaannik aammalu manniinik katersisarnerit (mannissartarnerit) ammaakkiauartuaarneqarnissaannik siunnersuummut Pinngortitaleriffimmiit ima oqaaseqaasiorpugut.

Miteqatigiaat ineriarornerinik alaatsinnaanneq misissuisarnerillu


Naleraq siunnersuummini allappoq Upernaviup pigisaani mitit kingullermik 1990'ikkunnili kisinneqarsimasut. Tamannali eqquunngilaq. Pinngortitaleriffimmeersut sumiiffimmiilu najugaqartut piniartut mitinik kisitsisartut 2001-imiilli taavani mitinik malinnaaffiginnillutillu alaatsinaatsitarilernikaat. Tassa taamatut mitinik alapernaasertartut Qeqertarsuup Tunuanit avannamut Upernaviup avannaa tikillugu ukiorpanngulersuni mitit malinnaaffigalugillu misissuiffigisarsimavaat. Sumiiffinni pineqartuni taamanerniit maannamut mitit amerleriarujussuarnikuupput, taamaallilunilu mitit piniagaasarnerat arlaleriarluni sivitsorneqarnikuulluni kingullertigut 2009-mi Qeqertarsuarmiit Upernaviup avannaa ilanngullugu upernaakkut piniagaasinnaanerat ammaanneqaqqilluni (maannakkut Aqutsiveqarfik 2-tut taaneqartartoq), kiisalu Kalaallit Nunaata Kitaata kujataani ukiuunerani (Aqutsiveqarfik 3-mi) piniagaanerat sapaatit akunnerini marlunni 2016-imi sivitsugaallutik.

Avannaanitullu kujataarmiut 2010-mi aallartittumik mitinik taqqavani piniartut alaatsinaattuullutillu misissueqataasarsimapput. Taqqavanili ajoraluwartumik siuariaataasunik takusaqanngilagut. Tassami miteqassuseq 2010-miilli aalaakkaakannersumik inissimasimavoq.


Mitit Tunup sineriaani piaqqisartut Pinngortitaleriffimmeersunit malinnaaffigineqanngillat, taamaattumillu tappavani qanoq ingerlasoqarnera oqaaseqarfingisinnanngilarput. Taamatut aamma Qaanaap pigisaaniittartut (Aqutsiveqarfik 1) mitit Pinngortitaleriffimmeersunit malinnaaffigineqarneq ajorput. Taamaakkaluartorli ilisimatusartartut amerikkameersut taavani mitinik malinnaaffiginnipput, akuttunngitsunillu kisitsisarlutik. Kisitsinerit ingerlassimasaat naapertorlugit Tavani mitit siuarujussuartutut isikkoqarput, soorlu Aqutsiveqarfik 2-mitupajaaq.

Kalaallit Nunaata kitaaniittut miteqarfuit tamavissuarmik alaatsinaanneqarlutik malinnaaffigineqarneq ajorput, alaatsinaanneqarnerusarpullu kitaata miteqarfiiinik takussutissiinerusutut isigisat.

Mitit kisinneqarnerat, Nunatta kitaata avannaat



Mitit kisinneqarnerat, Nunatta kitaata kiujataani



Takussutissiaq. 1. Pinngortitaleriffimeersut sumiiffinnilu suleqatigisat piniartut Kalaallit Nunaata kitaata avannaani kujataanilu kisitsinerannit takussutissat. Kalaallit Nunaata kitaaniittut miteqarfiiit tamavissuarmik alaatsinaanneqarlutik malinnaaffigineqarneq ajorput, alaatsinaanneqarnerusarpullu kitaata miteqarfiiinik takussutissiinerusutut isigisat.

Mitit pinngortitaassutsimikkut pissusiat

Naalakkersuisoqarfik mitit Aqutsiveqarfinnut 1, 2, 3 aamma sisamaannut qanoq ilinerani annguttarnerat, qaqugukkullu manniliulersarnerannut tungassutilinnik paasissutissanik piumasaqarsimavoq. Qaammataasanut nassitsissutit iluaqtsiullugit paasinikuuarput mitit kujataata imartaani ukiisarfitik qimattaraat tamaani aprilip qiteqqunnerata nalaani, taamalu piaqqisarfimminnut, apeqqutaalluni sumiinnerat, ullut 20-30-t qaangiunneranni apuuteralersarlutik. Immap sikua apeqqutaalluni sineriak atuarlugu uninngaartarniarlutillu avannamukaartarput. Paasinarpoq mitit nalinnginnaasumik ima pissuseqakkajuttut, piaqqisarfimminnut apuutiaernerusunut sanilliullugit avannarpasinnerusuni piaqqisartut kingusinaarnerullutik mannilillutillu piaqqisartutut isikkoqarput. Tassami piaqqisarfimminnut tikikkaangamik piaqqinissaminnut piareersalersarput, nalugaluarparput piffissaq piareersarfiusoq qanoq sivisusartiginersoq, ilimagaarput ullualunniit immaqa sapaatit akunneri marlunnik sivisussuseqarsinnaasoq, Tamatuma kingorna mannilisarput (ulloq ataaseq), ivanerlu tullinnguutarluni ullunik 25-nik sivisussuseqakkajuttartoq.

Pinngortaleriffimmeersut ivanerup aallarteeqqaarnerata nalaa ilisimasaqarfiginerpaavaat. Piffissap taamaalinerani naatsorsuutigineqartariaqarpoq mitit sivikinnerpaamik sapaatit akunneri pingasut tikeqqareersimanissaat (tassa piareersareerlutik mannilereersimasarmata). Piaqqiortarfimminnullu apuuttarnerat ukiumiit ukiumut nikerarsinnaasarpoq, ilaatigut ima ukiorissimasinnaatigisarpoq allaat mitit ilaat piaqqiffimminnit aallangnitsoortarsimallutik. Sumiiffit ilaanni mitit ilorpasinnerusuni aammalu silarpasinnerusuni qeqertaqarfinni sinerissamut qanittuniittuni ataatsikkut piaqqiorsiinnaasarput.

Pinngortitaleriffimmeersut nalunaarsugaat naapertorlugit Aqutsiveqarfik 3-mi ivanerit aallartittarput maajip naanerani, taavalu tukerartitsinerit 20.-25. maj missaani pilersarlutik. Aqutsiveqarfik 3 immikkooruteqarpoq, tessami tessani piaqqat ilatillu qimagunnatik ukiisarmata. Taamaalilluni aappaaguani piaqqiorfik aallarteqqippat tessaniiginnartussaallutik. Disko Bugtimili mitit piaqqisartut Qeqertarsuup kujasinnerusortaaniittunut ukiartortarput. Kujasinnerusortaani Aqutsiveqarfik 2-p kujasinnerusortaani juunip aallartilaarnerani mannililersarput qaammatillu naanerani tukertoortararlutik, uffa Aqutsiveqarfiup 2-p avannarpasinnerusortaaniittut sapaatip akunneranik kingusinnerusartut. Aqutsiveqarfinni allani 3-mi 4-milu piaqqiornerit qaqugukkut aallartittarnerat Pinngortitaleriffimmeersunit ilisimaneqanngilaq, ilimanarporli Aqutsiveqarfik 2-miit sapaatip akunneranik marlunnilluunniit kingusinnerusarsimanissa.

Mitit, taateraat appallu ataqtigifiit

Naleqqakkormiut siunnersuutaanni allassimapput mitit amerliartornerujussuat appanut taateraanullu navianartorsiortitsusuusoq. Pinngortitaleriffimmeersut naliliipput taamaattoqarnissaa ilimanaateqanngilluinnartoq. Tessami mitit nerisartagaat imeqqutaallat appallu nerisartagaannit allaanerujussuuupput, taamaalillunilu nerisassalerngusaattoqarneq ajorluni.

Timmiaqtigiiit taaneqartut pingasut akornanni imminnut attuumaffioqatigiiffiusoq

ataasiinnaviuvoq, tassalu mitit taateraallu qeqertami ataatsimi piaqqioqatigiissinnaasarmata – taamaattoqarsinnaasarneralu timmissanut pineqartunut iluaqutaaginnarsinnaavoq. Mitit imeqquaallanit eqiasueqalutik piaqqaminik illersuijuartarnerat, soorlu terianniat naajallu malersortaarlugit ingalassimatittarmatigit, imeqquaallallu mitit ullui erseqqinnersuusut ulluminut piaqqaminnullu assiutigilaarsinnaasarmatigit taamaalillutik imminnut iluaquusersuutarlutik.

Mitit upernaakkut piniagaasarnerat

Pinngortitaleriffimmeersut siunnersuutikkut angorusunneqartutut siunertaasoq paasisoraat Aqutsiveqarfik 2-mi miterniartarnermi maleruaqqusat allanngorteqquullugit, tassa taavani miterniartarnerup sivitsorneqarnissaanik siunnersuutaasoq. Maanna maleruaqqusat naapertorlugit Aqutsiveqarfik 2-mi miterniarsinnaatitaanerit pisarput 15. oktober-imiit 30. april tungaanut. Mlterniartarnerit maaji qaammat ilanggullugu ingerlanneqartarnissaat innersuussutiginangilaq, tassami tamakkiisumik isiginiarlugit piaqqiornerup nalaani timmissat eqqissisimatinneqarnissaannik 2001-imi aalajangiussamut akeriummat.

Timmissat piaqqiornerisa nalaani piniagaasinnaanerat akornusersuisarnerillu piaqqiorluarnissaraluannut kiisalu aalaakkaasumik, tassami piaqqat siunissami miterniartuarnissanut toqqammaviusussaammata, miteqartuarnissaanik kinguneqartitsisussaagaluit eqqugaanerlussinnaapput kinguneqapiluttumik. Upernaviuup pigisaa, Aqutsiveqarfik 2-tut taaneqartartoq, immikkut pingaaruteqartuovoq, tassami taavani piaqqiortarfii Kalaallit Nunaanni timmissat piaqqiortarfiiinit tamanit pingaaruteqarnerpaajummata. Neqissaqarniarnerlu eqqarsaatigalugu suli annertunerusumik neqissamik piumasoqarpal upernaajunerani ulluni miterniartitsiffiusuni ullormut pisarineqarsinnaasut amerlineqarsinnaanerat siunnersuutigaarput.

Peqatigitillugu erseqqissaatigissavarput Kalaallit Nunaanni ukiunera kiannerulernikuummat mitit amerlasuut piaqqiorfigisartakkatik sivisunerusumik najortalernikuummatigit, taamaattumillu ukiarnerani piniagaasarnerat sivitsorneqarsinnaagaluarmat. Upernavimmi piniagassatigut pissutsinik ilisimannittunit tutsuiginartunit paasitinneqarnikuuvugut timmiarpassuit taavaniittartut allaat ukiortaaq tikillugu taavaniissinnaasartut, ilaalli allaat sivisunerusumik taavaniippaluttartut. Pissutsit taamaalisimancerat aamma piniarnermut nalunaarsuutini erseqqippoq. Upernaviuup pigisaani 2001 tikillugu timmissat pisarineqartartut katillugit 5 %-iusarsimasut, manna takuneqarsinnaalerpoq timmissanit pisanit tamanit 30-40 %-ii november decemberimilu pisarineqartalersimasut. Pissutsit taamaalisimancerat ukiortaap kingornanut ingerlaqqittutullusoq ipput, tassa piffissaq januar-martsimi 2001 sioqqullugu timmissanikpisaqartoqarneq ajortoq, manna pisaqartoqartalermaat, pisat 1-14 %-ii piffissami tassani pisarineqartalermaata. Taamaattumik Pinngortitaleriffimmeersut isumaqarput, pissutsit tamakkiisumik isigininniarluni Aqutsiveqarfimmi 2-mi mitit pisarineqartartut amerlineqarluarsinnaasut upernaakkut piniagaasarnerini piffissaq aalajangersagaq sivitsunngikkaluarlugu.

Mitit manniinik mannissartarnerit

Mitit manniinik mannissartarnerit pillugit aallaqqaasiullugu Pinngortitaleriffimmeersut innersuussutigissavaat allakkiaq mannissartarnernut tunngasoq qulequtserneqartoq "Mitit manniinik mannissartarnerit, 2020 15. September 2020"-meersoq.

Tassani Pinngortitaleriffimmeersut mannissartarnerit marlutsigut pitsaanngitsumik kinguneqartitsisarnerannik allapput. Siulleq tassaavoq manniinik peersivignerisa toqqaannartumik sunnerneqartarnerat, toqqaannartumik piaqqiarineqartussanik ikilisaanerusoq. Aappaa tassaavoq toqqaannangikkaluartumik sunniutissat, tassa toqqaannangikkaluartumik akornusersuinerit aamma sunniuteqarnerpaajusarput.

Aqutsiveqarfinni 1 aamma 2-mi mitit amerliartormata mitit manniinik amerlangikkaluartunik manissarttsilaartoqarsinnaagunarpormi, soorunalimi piujuartitsiniarnissaq puigornagu aammalu allanik iluanngitsunik kinguneqartitsisoqassangippat. Allakkiami siusinnerusukkut taasatsinni naatsorsuusiortoqarnikuovoq mitip mannia ataaseq peeraanni miteqassutsimut qanoq "akeqarnera" takutinniarlugu. Naatsorsuusiornerni mitit manniisa 10 %-ii ulluinit peerneqarput. Naatsorsuutillu takutippaat, taamaaliorneq miteqassutsip amerleriaatissaata 14 %-ia immaqaluunniit taassumannga kisitsimmit appasinnerulaartumik "naleqassaaq", mitit ulluminnit imaarsivigitereernermik kingorna mannileqqissimannngippatami.

Qularutissaanngilarli mannissarttsisoqassappat, taamaaliornissat eqqissiviilliortitsinertaannaalluunniit kisiisa eqqarsaatigiinnarlugit mannissanngitsoortitaanermiit ajornerussagunavissut. Mannissartarnerimmi ivanialernerisa aallaqqataana pisariaqartarpuit (tukilivissunimmi mannitorsunngikkunik), tukilivinnerisami nalaa mitit akornusersuutinut misikkarinnerpaaffigisarpaat. Mannissarfigitinneq ataasiaq ajoqtigiuunnanngikkaluarpaat, kisiannili uteqattaartumik ulloqarfinni aalajangersimasuniittut orningarneqartalerunik ima eqqissiviilliortitaatigisinjaapput allaat ukiorenna piaqqiniarnissartik sussaaginnarsinnaallugu aatsaallu aappaaguani imaluunniit aappaaguaguani misileeqqissinnaallutik. Aamma ivaffimminni akornusersorneqaqattaalerangamik naajaniit teriannianillu mannitorsutunit aamma arsaaqqajaaneqarnerulersarput. Pinngortitaleriffimmeersut mannissarniartarnernik innersuussutiginartitsinngikaangamik imaappoq taamatut akornusersorneqartarnerat uteqattaartumik pilerpat ajuissammat aammalu aalajangiussaq timmissat piaqqiornerisa nalaani eqqissimatitaanissaannik siunertaqartoq qaangiataarneqalissammat. Tassa imaappoq, upernaajunerani piniartitsisarnerit timmissat tamakkiisumik piniaagaasarnerisa toqqammavippaannik piffissaq peqassutsimik amerlisaaffiusussaagaluartoq mangiarneqalersarpoq.

Mannissartarnerit piujuartitsiniarnermik tunngaveqassappata, taava ima aqqissuunneqartariaqassapput piaqqorfik ataaseq ataasiaannaq mannissarfagineqartarluni, taamaalilluni ataasiaannaq akornusersorneqartussanngorlugit assersuutigalugu ulloq ataaseq mannissarfissatut atortinneqarsinnaavoq, taamaalilluni utikattumik akornusersuisuerullugu. Soorlu ulloq taanna mannissarfissami silarluppat, ulloq mannissarfik ullormut allamut nuussinnaalerlugu. Mannissarttsinerit ullunut arlalinntu aqqinnejqassappata, tamanna ajussaaq. Tassami akornusersuinerit annertuallaalissapput aammalu sivisualaassallutik. Aamma imaaliorqarsinnaagaluropoq, soorlu ilaqtariit arlallilluunniit ukiumut ulloq ataaseq aalajangersimasoq sumiiffimilu aalajangersimasumi piffissamilu killiligaasumi mannissartitaasinnaallutik. Pinngortitaleriffimmiut Kalaallit Nunaanni mitit qivortartarnerit mannissartarnerillu aallarteqqinnissaannik siunnersuuteqartoqarnerani taamatupajaaq aqqiisoqarsinnaaneranik innersuussinikuupput. Allakkiaq taanna "Mitit qiviunik katersisarnerit pillugit biologit siunnersuinerat" ulloq 28. Oktober 2011 nassiunneqarnikuovoq. Taamatut atuisinnaanissamik pisinnaatitaaffiligaanermi mannissarsinnaaneq qivortarsinnaanerluunniit assersuutigalugu ukiunut arlalinntu akuersissut tunniunneqartarsinnaassagaluarpoq, pisariaqartinneqassappammi. Ilumut akuersissuteqartarnerit ukiunut arlalinnoortariaqartassapput, taamaaliornikkut sumiiffimmi ilisimasat ketersorneqarsinnaalissagaluarpoq, taamaalillutilu assersuutigalugu alaatsinaaqataalerlutilluunniit, ilisimasaminnik tunioraasalerlutik aammalu qaqgukkut ketersisoqarsinnaaneranik siunnersuuteqarsinnaalerlutik. Taamatut atuinissamik akuersissut alaatsinaaqataasussaatitaanermik piumasaqaatitalerlugu, Pinngortitaleriffimmeersut

tamanna isumageriinngippassuk imaluunniit pineqartumi najugaqartut Pinngortitaleriffimmeersunik arlaannik isumaqateqareersimanngippata.

Mitit manniinik mannissartitsisarsinnaanerit Pinngortitaleriffimmeersunit akuerineqarsinnaapput piujuartsiniarnermik tunngaveqarluni pisinnaappat, tassa piaqqiorfiit qulakkeerunneqarsinnaapappata taamaaliortitsinerit ukiumut ulloq ataasiinnaq pisinnaappata. Pinngortitaleriffimmeersut isumaqarput Aqutsiveqarfinni 1 aamma 2-mi piujuartsiniarnermik tunngaveqartumik mitit manniinik mannissartitsisarnerit piviusunngortinnneqarsinnaasut. Aqutsiveqarfik 3-mi 4-milu mitit manniinik mannissartitsisarnissat innersuussutigineqangillat, tasssungalu peqqutaapput, mitit taakkunani piaqqisartut amerliartunngimmata aammal Aqutsiveqarfik 4-mi miteqatigiaat qanoq ineriarornerat ilisimaneqanngimmat.

Inernerusunik eqikkaaneq innersuussutillu:

- Aqutsiveqarfinni 1 aamma 2-mi mitit piaqqisartut amerliartorput, kisiannili Aqutsiveqarfimmi 3-mi taamaannatik. Miteqatigiaat Tunumiittartut (Aqutsiveqarfik 4) tamarmik Pinngortitaleriffimmeersunit qanoq inissisimanerat ilisimaneqanngilaq
- Piaqqiorfiup aallartinnera ukiumiit ukiumut assigiingnisitaartarpooq, nalinginnaasaporlu kujataaniittartut avannaniittartunut sanilliullugit aallartiaarneruusarnerat
- Mitit imeqqutaallanik appanillu navianartuunngillat
- Aqutsiveqarfik 2-mi mitit upernaajunerani piniagaasarnerisa sivitsorneqarnissaanik siunnersuut timmissat piaqqornerisa nalaani eqqisisimatinneqarnissaanik aalajangiussamik unioqqutitsinerussaaq, aammalu suli amerliartornerunissaannik killilersuilissalluni. Ammami upernaajunerani, ullormut pisaassat amerlassusissaannik aalajangersagaq allanngorteriaannaavoq, ullormut pisaassat amerlinerisigut - maanna miterniarnerup sivisussusissaanik aalajangiisimanerup sivitsorneragut
- Pinngortitaleriffimmeersut timmissat manniinik mannissartarnerit nalinginnaasumik innersuussutiginartinneq ajorpaat, timmissat piaqqisarfiinik akornusersuinerujussuarmik pilersitsisarmata, allaat piaqqisartunut ajortorujussuarmik kinguneqartitsisinnaasarmata, taamalu siunissami pisarineqarsinnaalersussaagaluartunut aamma naggataagut kingunerluuteqarujussuarsinnaasarmata
- Piujuartsiniarnermik tunngaveqartumik mitit manniinik mannissartisoqartalissappat, qulakkeersimaneqaqqaartariaqarpoq piaqqiorfiit ukiumut ulloq ataasiinnaq akornusersorneqartarnissaa. Taamaattoqarsinnaappat Pinngortitaleriffimmeersut periarfissaqarsorinartippaat Aqutsiveqarfifit 1 aamma 2-mi mitit manniinik mannissartisoqarsinnaanera, kisiannili Aqutsiveqarfik 3 aamma 4 naagga, taakkunani mitit manniinik mannissartitsisarnerit innersuussutiginartinneqanngillat.

Paasisaqnarnerorusukkuit, attavigiuk:

Seniorforsker, Flemming Ravn Merkel, flme@natur.gl imaluunniit +45 3078 3173

Ilanngussat:

- Mitit manniinik mannissartarnerit pillugit allakkiaq, 2020. Pinngortitaleriffik, 15. september 2020
- Mitit qiviuinik katersisarnerit pillugit biologit siunnersuinerat. Pinngortitaleriffik, 28. okt. 2011